

10 января, попразднство РХ. Муч. 20 000 в Никомидии сожженных

10 января, попразднство Рождества Христова.

Мучеников 20 000, в Никомидии в церкви сожженных

Утренняя вседневная

«Бог Господь»

Тропарь Рождества Христова, глас 4

Рождество́ Твое́, Христé Бóже наш,/ возсия́ мíрови свет рáзума,/ в нем бо звезда́м служа́щии/ звездо́ю уча́хуся/ Тебé клáняться, Сóлнцу Пра́вды,/ и Тебé véдети с высоты́ востóка.// Гóсподи, сла́ва Тебé. *(Дважды)*

Сла́ва Отцú, и Сы́ну, и Свято́му Дúху,

Тропарь мучеников 20 000, в Никомидии в церкви сожженных, глас 2

Страстоте́рпцы Господни,/ блаже́нна земля́, напíвшаяся кровью́и ва́шими,/ и свята́ селéния, при́ймшая телеса́ ва́ша:/ в по́двизе бо врага́ победíсте/ и Христа́ со дерзнове́нием проповéдасте./ Того́, я́ко блага́, моли́те// спасти́ся, мо́лимся, душáм нашим.

и ны́не, и прíсно, и во ве́ки веко́в. Ами́нь.

Тропарь Рождества Христова, глас 4

Рождество́ Твое́, Христé Бóже наш,/ возсия́ мíрови свет рáзума,/ в нем бо звезда́м служа́щии/ звездо́ю уча́хуся/ Тебé клáняться, Сóлнцу Пра́вды,/ и Тебé véдети с высоты́ востóка.// Гóсподи, сла́ва Тебé.

**Лик:** Гóсподи, поми́луй. *(Трижды)* Сла́ва Отцú и Сы́ну и Свято́му Дúху.

**Чтец:** И ны́не и прíсно, и во ве́ки веко́в. Ами́нь.

**Канон Песнь 1**

Канон Рождества Христова. Глас 1. На 3.

**Ирмос, глас 1:** Христос раждается – славите!/ Христос с Небес – срящите!/ Христос на земли – возносите!/ Пойте Господеви, вся земля,/ и веселием воспойте, людие,// яко прославися.

**Песнь 3**

Канон Рождества Христова. Глас 1. На 3.

**Ирмос, глас 1:** Призри на пения рабов, Благодетелю,/ врага смиряя вознесенную гордыню,/ носяй же, Всевидче, греха превышше,/ непоколеблемо утвержденных, Блаже, певцы// основанием веры.

**Катавасия**

**Ирмос, глас 1:** Да утвердится сердце мое в воли Твоей, Христэ Бже,/ Иже над водами небо утвердней второе// и основавый на водах землю, Всесильне.

**Песнь 4**

Канон Рождества Христова. Глас 1. На 3.

**Ирмос, глас 1:** Рода человека обновление/ древле, поя, пророк Аввакум предвозвещает,/ видети неизреченно сподобився образ:/ младый Младенец бо из горы – Девы изыде// людей во обновление, Слово.

**Песнь 5**

Канон Рождества Христова. Глас 1. На 3.

**Ирмос, глас 1:** Из нощи дел омраченных прелести/ очищение нам, Христэ,/ бодренно ныне совершающим песнь, яко Благодетелю,/

прииди́, подава́яй удо́бну стезю́, // по нѣйже востека́юще, обря́щем сла́ву.

### Песнь 6

Канѡн Рождества Христо́ва. Глас 1. На 3.

**Ирмос, глас 1:** Обита́я Ио́на в преиспо́дних морскѣх, / приити́ моля́шеся и бу́рю утоли́ти; / унзе́н же аз муча́щаго стрело́ю, / Христу́ воспева́ю, зол губи́телю, // ско́ро приити́ Тебе́ к моёй ле́ности.

### Катавасия

**Ирмос, глас 1:** Проро́ка Ио́ну подража́я, вопи́ю: / живо́т мой, Бла́же, свободи́ из тли // и спаси́ мя, Спа́се ми́ра, зову́ща: сла́ва Тебе́.

### Песнь 7

Канѡн Рождества Христо́ва. Глас 1. На 3.

**Ирмос, глас 1:** Всецаря́ любѡвию уловле́ннии, ѡтроцы / укори́ша безчи́сленно яря́щася мучи́теля злобо́жное языковре́дие, / ѡмже повину́ся огнь мно́гий, / Влады́це глаго́лющим: // во ве́ки благословѣ́н еси́.

### Песнь 8

Канѡн Рождества Христо́ва. Глас 1. На 3.

**Ирмос, глас 1:** Утробу́ неопальну́ образуют О́трокови́цы / ѡмже в Ве́тсем опаля́емии ю́ноши, / преестѣ́ственно ражда́ющую запечатле́нну. / Обо́я же, содева́ющи чуде́йство еди́но, // лю́ди к пѣнию́ возста́вляет благода́ть.

**Припев:** Хва́лим, благослов́им, покланя́емся Го́сподеви, пою́ще и превозно́сяще во вся ве́ки.

**Катавасия**

**Ирмос, глас 1:** Песносло́вцы в пещи́ спáсшаго де́ти/ и громопла́менную прело́жшаго на ро́су,// Христа́ Бо́га по́йте и превозно́сите во вся ве́ки.

**Песнь 9**

Кано́н Рожде́ства Христо́ва. Глас 1. На 3.

**Ирмос, глас 1:** Лю́бити у́бо нам я́ко безбе́дное стра́хом/ удо́бее молча́ние,/ любóвию же, Де́во,/ пёсni тка́ти, спротяже́нно сло́женныя, неудобно́ есть;// но и, Ма́ти, си́лу, е́лико есть произво́ление, даждь.

**Катавасия**

**Ирмос, глас 1:** Светоно́сный о́блак, в о́ньже всех Влады́ка,/ я́ко дождь с небесе́ на руно́, сн́иде/ и воплот́ися нас ра́ди,/ быв Чело́век, Безнача́льный,/ велича́ем вси я́ко Ма́терь Бо́га на́шего Чи́стую.

**Стихиры на стиховне**

попразднства Рождества Христова на 3

**Канонарх:** Глас 6. До́ме Евфра́фов,

**Лик:** До́ме Евфра́фов,/ Сио́не, гра́де святы́й,/ приими́ с ра́достию Влады́ку всех,/ в Тебе́, от Де́вы па́че сло́ва ражда́ема,/ градо́написа́ти хотя́ща/ ра́я отпа́дшия,/ к Нему́же зове́м:/ благослове́н прише́дый,// Бо́же наш, сла́ва Тебе́.

**Стих:** Из чре́ва прё́жде денни́цы роди́х Тя, /

кля́тся Госпо́дь и не раскáется.

Тя, нас ра́ди по нам я́вльшася, Сло́ве,/ свиря́ющих лик ви́дев в  
верте́пе/ пелена́ми повита́,/ в я́слех же лежа́ща,/ поёт Тя я́ве со А́н-  
гелы:/ сла́ва Бо́гу в Вы́шних./ С ни́миже зове́м:/ благослове́н Ро-  
жде́йся,/ Бо́же наш, сла́ва Тебе́./ С ни́ми же взыва́ем:// благослове́н  
Рожде́йся, Бо́же наш, сла́ва Тебе́.

**Стих:** Рече́ Госпо́дь Го́сподеви моемú: /  
седи́ одесну́ю Мене́.

Иже во проро́цах велегла́сный взыва́ет:/ от Девственнаго хо́щет  
родитися чре́ва/ Отроча́ – Влады́ка/ па́че сло́ва и мы́сли,/ А́нгел  
Сове́та войстинну Вели́ка/ и Жизнь живу́щих Сый./ С ни́миже зо-  
ве́м:/ благослове́н рожде́йся,// Бо́же наш, сла́ва Тебе́.

**Слава, глас 1:** Сла́ва Отцу́, и Сы́ну, и Свято́му Ду́ху  
и ны́не, и прісно, и во ве́ки веко́в. Ами́нь.

Ра́дуйся в Го́споде, венценос́че Стефа́не,/ подóбник Влады́ки,/  
зане́же и первомученик был еси́ Христа́, Царя́ на́шего,/ и леств  
беззаконных иуде́й упраздни́л еси́,// моля́ся о нас ко Го́споду

### **Тропари в конец Утрени**

Тропарь мучеников 20 000, в Никомидии в церкви сожженных, глас 2

Страстоте́рпцы Госпо́дни,/ блаже́нна земля́, напівшаяся кровью́и  
ва́шими,/ и свята́ селения́, при́ймшая телеса́ ва́ша:/ в по́двизе бо  
врага́ победи́сте/ и Христа́ со дерзнове́нием пропове́дасте./ Того́,  
я́ко блага́, моли́те// спасти́ся, мо́лимся, душа́м на́шим.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки  
веко́в. Ами́нь.

**Тропарь Рождества Христова, глас 4**

**Рождество́ Твое́, Христé Бóже наш,/ возсия́ мíрови свет рáзума,/ в нем бо звездáм служа́щий/ звездóю уча́хуся/ Тебé клáняться, Сóлнцу Пра́вды,/ и Тебé вéдети с высоты́ востóка./ Гóсподи, сла́ва Тебé.**

**1-й час**

**Тропарь Рождества Христова, глас 4**

**Рождество́ Твое́, Христé Бóже наш,/ возсия́ мíрови свет рáзума,/ в нем бо звездáм служа́щий/ звездóю уча́хуся/ Тебé клáняться, Сóлнцу Пра́вды,/ и Тебé вéдети с высоты́ востóка./ Гóсподи, сла́ва ТебéИ ны́не, и прíсно, и во вéки векóв. Амíнь. Сла́ва Отцú, и Сы́ну, и Свято́му Дúху.**

**Тропарь мучеников 20 000, в Никомидии в церкви сожженных, глас 2**

**Страстотéрпцы Господни,/ блаже́нна земля́, напи́вшаяся кровью́и ва́шими,/ и свята́ селéния, при́ймшая телеса́ ва́ша:/ в по́двиге бо врага́ победíte/ и Христа́ со дерзнове́нием проповéдасте./ Того́, я́ко блага́, моли́те/ спасти́ся, мо́лимся, душáм на́шим.**

**Конда́к Рождества́ Христова, глас 3**

**Де́ва днесь Пресúщественнаго ражда́ет,/ и земля́ верте́п Непристу́пному принóсит./ А́нгели с па́стырьми славослóвят,/ волсвй же со звездóю путешéствуют:/ нас бо ра́ди роди́ся/ Отрочá Млáдо, Превéчный Бог.**